

**Apèsi Jeneral sou Pwogram DESE/DDS:**

Pwogram DESE/DDS la fèt yon jan pou pote sipò nan terapi pou elèv ki gen laj ant 6 ak 22 an, ki **montre yo bezwen sèvis pou anpeche sa vin nesesè pou mete yo nan yon rezidans ki pa lakay yo, kote yo pral anba plis restriksyon.** Yon lòt bagay pwogram sa a ofri, se yon pi wo nivo sèvis pou sipòte fanmi kote gen yon elèv k ap tounen lakay li apre yo te mete l nan yon rezidans pou lekòl, epi ki gen bezwen pou l rete lakay li. Kote ki administre Pwogram DESE/DDS la, se Departman Sèvis Developman (DDS), ki resevwa finansman nan men Departman Edikasyon Elementè ak Segondè. Finansman Pwogram sa a depann sou yon afektasyon k ap soti nan bidjè Eta a, pou chak ane.

**Men kisa Pwogram DESE/DDS la mande, pou l kapab deside si yon elèv kalifye:**

- Elèv la dwe kapab kalifye pou Sèvis DDS pou Timoun.
- Paran oswa moun ki responsab elèv la dwe dakò pou l patisipe nan yon evalyasyon pèsonnèl yo pral fè pou elèv la.
- Paran oswa moun ki responsab elèv la dwe remèt kopi tout enfòmasyon sou evalyasyon/dyagnostik ki soti nan men doktè/pwofesyonnel edikayson yo.
- Paran oswa moun ki responsab elèv la dwe remèt kopi dènye Plan Edikayon Pèsonnèl (IEP) yo fenk fè pou elèv la.
- Paran oswa moun ki responsab elèv la dwe bay enfòmasyon sou tout lòt sèvis elèv la resevwa nan men lekòl, konpayi asirans, ak lòt pwogram Eta a finanse.

Objektif pwogram lan, se pou bay fanmi yo plis posibilité pou sipòte elèv la lakay li ak nan kominate a, epi pou ofri yon plan pèsonnalisé pou sipòte developman konpetans, endependans, ak entegrasyon sosyal. Fanmi yo gen pou yo jwe yon wòl aktif nan pwogram lan. **Tout elèv yo ap genyen pou yo resevwa ant 3 ak 6 èdtan fòmasyon pa semenn pou amelyore konpòtman ak konpetans yo.** Sa kakab vle di travay pou ogmante kapasite elèv la pou l fè aktivite nòmal chak jou, amelyore kapasite komunikasyon elèv la, oswa chèche korije kèk konpòtman li konn genyen.

**Peryòd Enterè Lib pou Pwogram DESE/DDS la:**

Kounye a, Pwogram DESE/DDS la ap sèvi plis pase 450 elèv. An 2013, DDS elimine lis atant pou Pwogram DESE/DDS la, kidonk kounye a li pare pou ouvri Pwogram la ankò, pou pran moun pou lane FY'14 (koumanse nan dat 1ye jiye).

**DDS ap aksepte Fòmilè Enterè pou Pwogram DESE/DDS la ant 8 avril 2013 ak 19 avril 2013. Lè yon fanmi voye Fòmilè Enterè DESE/DDS la, sa vle di sèlman fanmi an montre enterè nan Pwogram lan. Lè yon fanmi voye yon Fòmilè Enterè, sa pa garanti fanmi an pral kapab patisipe nan Pwogram DESE/DDS la, paske desizyon pou sa pral pran avèk yon Pwosesis Evalyasyon ak Priyorite.**

Konsa peryòd pou resevwa Fòmilè Enterè pou Pwogram DESE/DDS la fini, Departman an pral pran desizyon sou kalifikasyon moun pou Pwogram DESE/DDS la dapre pwosesis ki eksplike pi ba la a:

1. DDS pral klase Fòmilè Enterè yo dapre kote yo soti jeyografikman, nan reyon DDS yo (Reyon Santral ak Reyon Wès konte pou 2 reyon).
2. DDS pral gade konbyen plas ki disponib, dapre kantite elèv yo mete kounye a nan chak reyon, pou garanti chak reyon DDS reprezante jan sa dwa.
3. Anplwaye nan zòn oubyen nan reyon DDS yo pral travay ak fanmi yo pou reyalize pwosesis evalyasyon pèsonnèl la.
4. Elèv ki kalifye yo pral gen priyorate dapre nivo bezwen yo wè yo genyen, sa ki vle di tou dapre lòt sèvis yon elèv deja ap resevwa nan lekòl li, oswa lakay li, oswa nan kominate l.
5. Enskripsyon an pral kontinye pandan tout lane a, jouktan yo fin mete moun nan tout plas ki disponib yo.

**Tanpri, bay enfòmasyon yo mande nan Fòmilè Enskripsyon Lib la, si elèv ou a:**

1. se yon timoun ki deja kalifye kounye a pou pwogram Departman Sèvis Developman an (DDS)
2. enskri kounye a nan yon lekòl pwogram lan apwouve, ki nan distrik eskolè kote ou ye a, epi li gen yon Plan Edikasyon Pèsonnèl (IEP)
3. gen laj ant 6 ak 16 an
4. ap viv lakay li kounye a